



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnium Generalium Et Provincialium Collectio Regia

Ab anno DCCCCX. ad annum MLXXIII.

Parisiis, 1644

Concilium Coloniense, Quo Auctoritate Victoris Papae Balduinus & Godefridus comites Flandriae Henrico regi quinquennali conciliati fuerunt, anno Domini MLVI.

urn:nbn:de:hbz:466:1-15625

CONCILIVM COLONIENSE, ANNO CHRISTI 1056.
 QVO AVCTORITATE VICTORIS PAPÆ
 Balduinus & Godefridus comites Flandriæ Henrico
 regi quinquennali conciliati fuerunt, anno Domini
 MLVI.

NOTA.

Causa &
acta Con-
cili.

* *Concilium.*] Balduinus & Godefridus ambo Flandriæ comites hostes erant imperiales, a quibus rex quinquennalis iure sibi metuerre poterat. Cum ergo Henricus imperator moriturus filium suum pontifici commendasset, ille necessarium esse iudicabat, ut perduelles imperii, qui regnum intestinis bellis grauiter inquietare potuissent, cum rege adhuc puero conciliarentur. Qua de causa generalem Synodum Coloniae celebrandam indicens, *In ea*, inquit Sigebertus, *Balduinus & Godefridus, mediante papa Victore, ad gratiam regis & pacem reducuntur, & omnes bellorum motus sedantur.* In hac inita concordia redditam fuisse Beatricem viro suo Godefrido par est credere, licet illud auctor non dicat. Baronius anno 1056. numero II.

SYNODVS LANDAVENSIS CIRCA ANNUM CHRISTI 1056.
 SVB HERGVALDO XXIX. IBIDEM EPISCOPO.

In qua familia regis excommunicatur ob vim illatam per ebrietatem medico & nepoti episcopi in festo natiuitatis Domini.

FAMILIA Catgucani regis Morcannue filii Mourici in die natiuitatis Domini visitauit Landauiam bono affectu, & ut dicitur de virga Aaron versa in draconem, animus illius familiae tardus ad sperandum bonum, velox ad faciendum malum, & ditatus præ nimio gaudio tantæ festiuitatis, cœpit bacchari copia potationis, sequestrata discretione sobrietatis, intantum quod imperfecti viri amissa vi scientiæ & pietatis, deuastrauerunt vnum familiarem & nepotem Hergualdi episcopi, Berthutis nomine, virum iustum & medicum totius patriæ, & facta tam execrabili inuasione, & sub ala sanctorum Dubricii, Teliavi, Oudocei & asylo; misit episcopus legatos suos per omnes ecclesias totius suæ dioceseos obtemperantes sibi infra ostium *Taratir*, super ripam *Gui* & ripam *Tyui*, vt simul